

Gurean askotan errepikatzen dugu estatuaren jarre-
ra ez-demokratikoa dela independentistak sortzeko la-
nabes garrantzitsuenetako bat. Baieztapen hau egia
izan daitekeen arren, ez dezagun ahaztu estatuaren ja-
rrera ez-demokratiko hori bera eta horrek sortzen
duen ziurgabetasuna direla independentista asko
etxean geratzera bultzatzen dituen. Geure buruari
ondorengo hipotesi/galdera egin diezaiogun: estatu
espainiarra zein frantziarra autodeterminazioa onar-
tzeko prest balira eta Euskal Herriari inolako mehatxu
eta zigorrik gabe independente izaten utziko baliote,
zer erabakiko luke jendeak? Zeren arabera hartuko lu-
ke erabaki hori? Galdera horren erantzunak lagundu
gaitzake independentziazako bide orri eraginkor bat
marrazten. •

Aztertua eta ondorioztatua dago; arerioa, etsaia,
demonizatu egiten dugu eta ariketa horrek izugarri zailtzen
du etorkizun batean konponbidea lortzea